

Gvangjsih Minzcuz Bau

ganhhau: CN45-0036 B.2014 Nd.7 Ng.30 liggaeuq gyapngux nienz ndwen caet coseiq

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3134期

“Cunghgoz Feihvuzciz Vwnzva Yizcanj Denyingj Doigvangq Hanghmoeg” Nem 《Buh Bwn Roeg》Denyingj Haidoengh Yizsi Youq Namzningz Gawjhengz

“中国非物质文化遗产电影推广项目”暨《百鸟衣》电影启动仪式在南宁举行

Bonjbauq siusik (gicej Suh Gyahgvai/苏加快) 7 nyied 26 hauh banhaet, youz Cunghvaz Vwnzva Cuzcinvei、Gvangjsih Bouxcuengh Swcigih Vwnzvadingh cawjbanh、Cunghyangh Densidaiz Denyingj Binzdau caeuq Cunghvaz Vwnzva Cuzcinvei lienzhab caez ingj bouh denyingj 《Buh Bwn Roeg》haidoengh yizsi youq Gvangjsih Minzcuz Bozvuzgvanj gawjhengz.

Bouh 《Buh Bwn Roeg》denyingj neix dwg cit goj Bouxcuengh guhyoux riuzcienz youq ranghdieg Guengjsae raeuz Hwngzyen, dwg bouh daibyauj cozbijboux cozyah

okmingz Bouxcuengh Veiz Gizlinz sij okdaej. Youq aen yizsi haidoengh neix gaxgonq, gaenq ndaej baiz baenz heiqgofoux youq ndaw guek cunz yienj gvaq, caemhcaiq hoiz baenz 30 lai cunj sawcih oksaw fathengz bae daengz 30 lai aen guekgva, yingjyangj gig hung, doiq gih raeuz ranghdieg baihnanz yingjyangj hix gig daih, caemhcaiq doiq Cungguek dangdaih vwnzyoz fazcanj miz yingjyangj hungraeuh, daengzlaeng ndaej senj haeuj diuz mingzloeg Cunghgoz Feihvuzciz Vwnzva Yizcanj ndawde bae.

Bouh denyingj 《Buh Bwn Roeg》 giva youq 2015 nienz 5 nyied bae daengz gih raeuz Hwngzyen gawjhengz bekingj yizsi, geizgonq hong bekingj yaek youq bi 2015 nienzdaej ingj sat, doeklaeng yamqhauj geizlaeng raedciep, baucang, habbaenz gaiduenh, gujgeiq daengz bi 2016 nienzdaej, youq Namzningz baeznduj cuengqingj hawj vunzlai ngonzyawj, riengzdaej doiq cuengqingj hawj daengxbiengz vunzlai ngonzyawj.

(Ndaw doz dwg denyingj 《Buh Bwn Roeg》haidoengh yizsi aen yienhciegz haidoengh seiz)



170 Lai Aen Fuzbinz Hanghmoeg “Hwng” Sang-swh Yen Yauzcuz Yangh Hawj Vunzlai Baenzfouq

170 多个扶贫项目“闹”富上思县瑶乡

Baenz diuz baenz diuz roensuijniz doeng cunh haeuj mbanj, baenz aen baenz aen canjyez haeuj ranz Yauzcuz—seizndat, Sangswh Yen Nanzbingz Yauzcuz Yangh hix gig “ndat”, miz 170 lai aen fuzbinz hanghmoeg roengzngaenz gyawj 2 ik maenz de, cingq guh ndaej “hoengh”raixcaix.

“Daj bi” gvaq daej, dou youq Nanzbingz Yauzcuz Yangh saed-

hengz le 172 aen gihcuj sezsih hanghmoeg, roengz cienz 1.9 ik. Dangqnaj gaenq guh sat roengzngaenz 7353 ik maenz.” Bouh yencanj Bungz Gingjdungh lwnh naeuz.

7 nyied 9 hauh, gou youq ndaw yangh neix yawj raen, diuz roensuijniz daj Dinghcauz daengz Gyauzung de gaenq guh baenz lo, diuz neix roengzngaenz 900 lai fanh

maenz, gij roensuijniz daj Nanzbingz daengz Bahnaij、Guhgyau daengz Canglungz、Nanzbingz daengz Gyanghboh daengj cingq nyaengq hwnjguh. Bineix aen yangh neix yaek guh daengz “mbanj mbanj doeng roensuijniz”, linghvaih miz buek hanghmoeg guh cwngzcin gensez、gaijguh ranzyiemj、suijli、gyauyuz、yihliuz veiswng daengj hix gaenq guh sat lo. (Liengz Fuyingz/梁富盈)

SIUSIK DINJ

简讯

● 7 nyied 24 hauh, “Swhyenz Yen Hozdwngh(daeng ndaw dah) Minzsuz Vwnzva Hezvei” venj baiz laebbaenz. Neix couhdwg naeuz aen yienh neix guh gij hong swnjcienz、vatgud nem henho vwnzva minzcuz, neix hawj gij binjbaiz vwnzva minzcuz hoengh le youh yamq hwnj mbaek moq ndeu.

(Dangz Siyouj)

● 7 nyied 26 hauh, Yungzanh Yen Cangzanh Vwnzcangz Yinhyoz Sahlungz Ciyen Fuzvudui daengz “Cangzanh Sanghvei Ginjbyauh Yisuzdonz” hozdung cungsim guh “dawz heiq haeuj hagdangz, hungzyangz vwnzva conzdungj” hozdung, hawj gyoengq nyez daj iq couh roxyiuj gij vwnzva conzdungj guek raeuz, hawj gij yisuz ndawbiengz yaek laenz de ndaej swnjcienz.

(Veiz Cujswz)

● 7 nyied 26 hauh dwg Nanzdanh Yen ciet bi iq doenghboux Bwzguyauz de. Ngoenzde, Lijhuz Yauzcuz Yangh Mbanjvangsang gyoengqvunz Bwzguyauz baijyienj le couxhek nyingzcungq gingqlaeuj、cauxguh ndangdaenj Bwzguyauz、minzsuz funghcingz、congznagiz raez daengj. Baez ciet neix dazyinx le haujlai hek daj Bwzging、Gvangjcouh、Sinhcin daej.

(Fuz Lungzgyangz)

● 7 nyied 26 hauh, Sanhgyangh Duncuz Swciyen Gauhgi Yauzcuz Yangh gawjbanh “bak baux ingjsiengq haeuj mbanjranz Yauzcuz” hozdung, cujcz cangh” ingjsiengq、gicej daengj haeuj aen yangh neix Lungzdanz Ginggih daejniemh nem geiqaeu mbanjranz Yauzcuz gij yienghsiengq ndoeng faexcuk、raemxdiuqdat、bya gyaeu raemx ndei、funghcingz gag miz daengj.

(Gungh Bujganh)

● 7 nyied 20 hauh, youq Yungzsuij Myauzcuz Swciyen Aen-venzgim Gvangjczangz, aen yienh neix gawjhengz lwngyez mozdwx doxdax, dazyinx le 40 lai baux mozdwx lwngyez daej doxdax, baux ceiq iq cij miz 4 bi. Gyoengq nyez neix doenggvaq baijok ndangdaenj minzcuz、baijyienj vwnzyi、byaij daiz daengj, baijok gij yienghsiengq ndei mozdwx lwngyez de.

(Liu Cwjenh)